

სახელმწიფო შესყიდვის შესახებ

ხელშეკრულება N32060201/05/200

45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები

45261910 - სახურავის შეკეთება
(SMP160003345)

ქ. თბილისი

19 დეკემბერი 2016 წელი

ერთის მხრივ საქართველოს ს.ს.ი.პ. საგანმანათლებლო და სამეცნიერო ინფრასტრუქტურის განვითარების სააგენტო (შემდგომში – შემსყიდველი), სააგენტოს დირექტორის მოვალეობის შემსრულებლის გიორგი შალუტაშვილის სახით და მეორეს მხრივ შ.პ.ს. „არქიტექტურა“ წარმოდგენილი დირექტორის გოჩა გუნიავას სახით (შემდგომში „მიმწოდებელი“ ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10 მუხლის მე-3 პუნქტის „ბ“ ქვეპუნქტის, სახელმწიფო შესყიდვების სააგენტოს 2016 წლის 15 დეკემბრის N3601 განკარგულების, სამშენებლო-საპროექტო სამსახურის 2016 წლის 15 დეკემბრის N1487340, 2016 წლის 14 დეკემბრის N1491072 სამსახურებრივი ბარათები და ფინანსური რესურსების მართვისა და დაგეგმვის სამსახურის ბაზრის კვლევის სპეციალიზირებული 2016 წლის 15 დეკემბრის N1499669 სამსახურებრივი ბარათის საფუძველზე ვადა და აღგილი წინამდებარე ხელშეკრულებას შემდეგზე:

მუხლი I. ხელშეკრულების საგანი და ობიექტი

- 1.1. ხელშეკრულების საგანია სსიპ ხობის მუნიციპალიტეტის სოფელ ახალსოფლის საჯარო სკოლის შენობის ძლიერი ქარის შედეგად დაზიანებული სახურავის შეკეთების სამუშაოები საქართველოს სახელმწიფო შესყიდვა გამარტივებული შესყიდვის საშუალებით.
- 1.2. შესყიდვის ობიექტის მოცულობისა და ღირებულების დეტალური აღწერა თან ერთვის ხელშეკრულებას და წარმოადგენს მის განუყოფელ ნაწილს;

მუხლი II. ხელშეკრულების საერთო ღირებულება

- 2.1. შესყიდვის ობიექტის ფასი განისაზღვრა ლარებში.
- 2.2. შესყიდვის ობიექტის საერთო ღირებულებაა: 8 477.46 (რვა ათას ოთხასსამოცდაშვიდი ლარი და ორმოცდაექვსი თეთრი) ლარი, დღგ-ს ჩათვლით.

მუხლი III. შესყიდვის ობიექტის ხარისხი

- 3.1. მიმწოდებელი იღებს ვალდებულებას, რომ შესრულებული სამუშაოების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 3.2. შესასრულებელი სამუშაოების ხარისხი უნდა შეესაბამებოდეს საქართველოში მოქმედ სტანდარტებს და ტექნიკურ ნორმებს.

მუხლი IV. შესყიდვის ობიექტის მიწოდების ვადა და ადგილი

- 4.1. შესყიდვის ობიექტის მიწოდების ვადად განსაზღვრულია ხელშეკრულების გაფორმებიდან 20 კალენდარული დღე, 2017 წლის 07 იანვრის ჩათვლით;
- 4.2. შესყიდვის ობიექტის მიწოდების ადგილია შესაბამისი საჯარო სკოლა;

მუხლი V. თანმდევი მომსახურება

- 5.1. მიმწოდებელმა სამუშაოს დასრულების შემდეგ, თავისი ძალებითა და სახსრებით უნდა გაათავისუფლოს სამუშაო ადგილი მოწყობილობა-დანადგარებისაგან, მასალებისაგან, სარეაბილიტაციო ნარჩენებისაგან.
- 5.2. მიმწოდებელი ვალდებულია სახურავის გადახურვის სამუშაოების წარმოებისას უზრუნველყოს ნალექის შედეგად შესაძლო დაზიანებების პრევენცია. ხოლო გაუფრთხილებლობის შედეგად ზიანის დადგომის შემთხვევაში იგი ვალდებულია, სრულად აანაზღაუროს შესაბამისი ზარალი.

მუხლი VI. შესყიდვის ობიექტის მიღება-ჩაბარება

- 6.1. შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ სამუშაოს შესრულების აქტის (ფორმა N2, ფორმა N3) წარმოდგენისა და გაფორმების შემდეგ.
- 6.2. საბოლოო სამუშაოს შესრულებამდე მიმწოდებელი უფლებამოსილია შემსყიდველს ეტაპობრივად წარუდგინოს სამუშაოს შესრულების აქტი (ფორმა N2, ფორმა N3), რომლის საფუძველზეც განხორციელდება ანაზღაურება.
- 6.3. შემსყიდველის მხრიდან სამუშაოს შესრულების აქტზე (ფორმა N2, ფორმა N3) ხელმოწერის უფლება მიეცეს შემსყიდველის უფლებამოსილ წარმომადგენელს: სამშენებლო-საპროექტო სამსახურის უფროსს მერაბ ჭონიაშვილს, სამშენებლო-საპროექტო სამსახურის უფროსის მოადგილეს დავით სუთიძეს, სამშენებლო-საპროექტო სამსახურის თანამშრომელს შოთა კაკაბაძეს, იონა შერაზადიშვილს და სააგენტოს დირექტორის მიერ განსაზღვრულ ტექნიკურ ზედამხედველს.
- 6.4. შესყიდვის ობიექტის (მისი ნაწილის, ეტაპის) მიღების და ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი. ხარვეზების გამოვლენის შემთხვევაში, მიმწოდებელი ვალდებულია არაუგვიანეს ხუთ კალენდარულ დღეში აღმოფხვრას ხარვეზები, რა პერიოდშიც იგი ყოველ ვადაგადაცილებულ დღეზე იხდის პირგასამტეხლოს ხელშეკრულების 10% პუნქტით დადგენილი პირობის შესაბამისად;
- 6.5. შემსყიდველი ვალდებულია ოპერატიულად წერილობითი სახით აცნობოს მიმწოდებელს საბოლოო შემოწმების შედეგები დაწუნებული მომსახურების (ეტაპის) და წუნდების მიზეზის მითითებით.
- 6.6. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს შემსყიდველი და მიმწოდებლის მიერ შესაბამისი უფლებამოსილებით აღჭურვილი პირი.
- 6.7. მიმწოდებელი ვალდებულია ხელშეკრულების გაფორმებიდან 5 (ხუთი) სამუშაო დღის ვადაში წარუდგინოს ხელშეკრულებით განსაზღვრულ ინსპექტირებს ჯგუფს სამუშაოების წარმოების გეგმა-გრაფიკი. იმ შემთხვევაში მიმწოდებელი არ წარმოადგენს გეგმა-გრაფიკს განსაზღვრულ ვადაში დაუსაბუთებლად, შემსყიდველი უფლებამოსილია შეწყვიტოს ხელშეკრულება, რა შემთხვევაშიც მიმწოდებელი ხელშეკრულების არაჯერებულ შესრულებისათვის დაჯარიმდება ხელშეკრულების საერთო თანხის 10%-ის ოდენობით.
- 6.8. იმ შემთხვევაში თუ ხარჯთაღრიცხვაში საქონლის, მომსახურების ან სამუშაოს ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და მიმწოდებელი უფლებამოსილია წარმოადგინოს ხარჯთაღრიცხვით/ფასების ცხრილი

განსაზღვრული ხარისხის მსგავსი ან ექვივალენტური მახასიათებლების მიწვევით საქონელი/მომსახურება.

მუხლი VII. ანგარიშსწორება

- 7.1. მიღება-ჩაბარების აქტის (ფორმა N2 და N3) გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია. წინააღმდეგ შემთხვევაში შემსყიდველს უფლება აქვს უარი თქვას ანგარიშსწორებაზე.
- 7.2. შემსყიდველი ანგარიშსწორებას ახორციელებს ერთჯერადად ხელშეკრულების ჯამით ღირებულების 100%-ის ოდენობით, რაზეც წარმოდგენილი უნდა იქნას მხოლოდ საბანკო დაწესებულების მიერ გაცემული საბანკო გარანტია. გარანტიის მოქმედების ვადა 30 დღით უნდა აღემატებოდეს ხელშეკრულების მოქმედების ვადას. საავანსო გადახდის გარანტია წარმოდგენილი უნდა იქნას ეროვნულ ვალუტაში-ლარში. უცხოური ბანკებიდან საბანკო გარანტიის წრმოდგენის შემთხვევაში მათთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოში აკრედიტირებული საბანკო დაწესებულების მიერ გაცემული „კონტრ გარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი).
- 7.3. ხელშეკრულებით გათვალისწინებულ სამუშაოებზე განხორციელდება ექსპერტიზა მსაკლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ. დასკვნის წარმოდგენის ვალდებულება ეკისრება შემსყიდველს. საექსპერტო მომსახურების ღირებულებას ანაზღაურებს შემსყიდველი, მაგრამ არაუმეტეს საქართველოს მთავრობის 2012 წლის 8 მაისის N171 დადგენილების დანართი N1-ის 1.7-ე პუნქტით დადგენილი ტარიფის ზღვრული ოდენობისა. საექსპერტო კვლევის საგნის შესრულებულ სამუშაოთა მოცულობა, ფასი და ხარისხი.
- 7.4. შესრულებული სამუშაოების ანაზღაურება განხორციელდება უნაღდო ანგარიშსწორებით, ლარებში.
- 7.5. ანაზღაურების ადგილი ქ. თბილისი.

მუხლი VIII. ფასები

- 8.1 ხელშეკრულებაში დაფიქსირებული ფასების შეცვლა დაუშვებელია, თუ მცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამასთან გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტით გაზრდა.
- 8.2. შესაძლებელია ხელშეკრულების საერთო ღირებულების შემცირება, სათანადო საექსპერტო დასკვნის საფუძველზე;

მუხლი IX. მხარეთა უფლება-მოვალეობები

- 9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 9.2. შემსყიდველი ვალდებულია:
 - 9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

- 9.2.2. ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
- 9.2.3. ხელშეკრულებით გათვალისწინებული პირობების შესაბამისად აუნაზღაურებს მიმწოდებელს შესრულებული სამუშაოს ღირებულება.
- 9.2.4. წერილობითი ფორმით დაუყოვნებლივ აცნობოს მიმწოდებელს რაიმე დეფექტი ან ნაკლის აღმოჩენის შესახებ.
- 9.3. შემსყიდველს უფლება აქვს:
- 9.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;
- 9.3.2. ხელი მოაწეროს სამუშაოების მიღება-ჩაბარების (შესრულების) აქტს;
- 9.3.3. უარი თქვას შესრულებული სამუშაოს მიღებაზე, თუ იგი არ შეესაბამება დადგენილ სტანდარტებს;
- 9.4. მიმწოდებელი ვალდებულია:
- 9.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.4.2. სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იქნას აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;
- 9.4.3. მიმწოდებელმა სამუშაოების განხორციელების განმავლობაში მათ მიღებაზე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;
- 9.4.4. მიმწოდებელი საქართველოში ტექნიკური უსაფრთხოების და გარემოს დაცვის ინსტრუქციების დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები სამუშაო ზონაში ხანძრის გაჩენის და აფეთქების თავიდან ასაცილებლად.
- 9.4.5. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო ობიექტზე.
- 9.4.6. სამუშაოების დასრულების შემდეგ, შესრულებული სამუშაოს ნორმალური ექსპლოატაციის პირობებში მიმწოდებელი იძლევა გარანტიას, რომლის პირობებშიც მოცემულია ხელშეკრულების შესაბამის დანართში. საგარანტიო პერიოდში რაიმე წუნდა (ნაკლოვანებები, დეფექტები) აღმოჩენის შემთხვევაში, თუ დადგინდა რომ აღნიშნული წუნდა (ნაკლოვანებები, დეფექტი) გამოწვეულია შესრულებლის მიზეზით, მიმწოდებელი ვალდებულია აღმოფხვრას უხარისხოდ შესრულებული სამუშაოები საკუთარი ხარჯებით; საგარანტიო პირობებები ვრცელდება მხოლოდ იმ სამუშაოებზე, რომელიც შესრულებულია მიმწოდებლის მიერ, ხელშეკრულებაზე თანდართული ხარჯთაღრიცხვის შესაბამისად.
- 9.5. მიმწოდებელს უფლება აქვს:
- 9.5.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება;

მუხლი X. ხელშეკრულების პირობების შეუსრულებლობა, ხელშეკრულების შეწყვეტა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეებმა პასუხს აგებენ ხელშეკრულებით განსაზღვრული პირობების შეუსრულებლობის ან

არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საქართველოს სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების ამ მუხლში.

10.3. შესყიდვის ობიექტის საბოლოო მიწოდების ვადის დარღვევის შემთხვევაში მიმწოდებელს ყოველვადაგადაცილებულ დღეზე დაეკისრება პირგასამტეხლოს გადახდა შეუსრულებელი ვალდებულების შესაბამისი ღირებულების 0.2%-ის ოდენობით;

10.4. მხარეთა მიერ ხელშეკრულების პირობების შეუსრულებლობის შემთხვევაში მხარეებს მახარე უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ.

10.5. ხელშეკრულების დამდები მხარე, რომელიც მიიღებს ხელშეკრულების შეწყვეტის გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება მისი მიღების საფუძველი და ამოქმედების თარიღი;

10.6. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

10.7. შემსყიდველი უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ მათ შორის შემდეგ შემთხვევებში:

ა) მიმწოდებლის მიერ სამუშაოს მიწოდების საბოლოო ვადის 20 (ოცი) კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში;

10.8. ხელშეკრულების შეწყვეტის შესახებ გადაწყვეტილების მიღების შემთხვევაში მიმწოდებელი ჯარიმდება ხელშეკრულების ჯამური ღირებულების 10%-ის ოდენობით;

10.9. თუ შემსყიდველი დარწმუნდება, რომ მიმწოდებლის მიზეზით შეუძლებელია შესასრულებელი სამუშაოს მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე, შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ის ოდენობით.

10.10. თუ კი შემსყიდველი ხელშეკრულების 7.1 მუხლით გათვალისწინებული მოთხოვნების დაცვის შემთხვევაში, ამავე მუხლით მითითებულ ვადაში, ვერ უზრუნველყოფს ანგარიშსწორებას, მიმწოდებელი უფლებამოსილია წერილობით მიმართოს შემსყიდველს ხელშეკრულებით გათვალისწინებული სამუშაოს გეგმა-გრაფიკის გადახედვის თაობაზე.

10.11. ამ მუხლის 10.7 პუნქტში მითითებული რომელიმე გარემოებით ხელშეკრულების შეწყვეტის შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად გაწეული სამუშაოს ღირებულება;

მუხლი XI. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2017 წლის 09 მარტის ჩათვლით.

მუხლი XII. ხელშეკრულების პირობების გადასინჯვა

12.1. სამუშაოების შესრულების ვადის ცვლილების უფლება მიმწოდებელს შეიძლება მიეცეს შემსყიდველის თანხმობით, „ფორს-მაჟორული“ სიტუაციების ან სხვა ობიექტური მიზეზების შემთხვევაში;

მუხლი XIII. დავები და მათი გადაწყვეტის წესი

13.1. ხელშეკრულების შესრულების პროცესში მხარეთა შორის წამოჭრილი დავები ან ახიზანება სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

მუხლი XIV. გაუთვალისწინებელი გარემოებები („ფორს-მაჟორი“)

14.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი XV. ხელშეკრულების ინსპექტირების პირობები

15.1. შემსყიდველი უფლებამოსილია სამუშაოების შესრულების პარალელურად მოახდინოს სამუშაოების შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

15.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ნაწილის და წუნდების მიზეზების მითითებით.

15.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

15.6. ხელშეკრულების ინსპექტირებას შემსყიდველის მხრიდან განახორციელებს წინამდებარე ხელშეკრულების მე-6 მუხლის 6.3 პუნქტში აღნიშნული პირები.

XVI. ხელშეკრულების შესრულების გარანტია

16.1. ხელშეკრულების შესრულების უზრუნველყოფის გარანტია არ გამოიყენება;

მუხლი XVI. სხვა პირობები

17.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

17.2. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები შემსყიდველის წერილობითი თანხმობის გარეშე.

17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებით და რისკით.

17.4. ხელშეკრულება შედგენილია ქართულ ენაზე, სამ ეგზემპლარად, რომელთაგან ერთოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.


მუხლი XVIII. მხარეთა იურიდიული მისამართები და რეკვიზიტები


შემსყიდველი:

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, მისამართი: ქ. თბილისი, ალექსიძის ქ. N1, შენობა-ნაგებობა N1, მე-2 სართული, ს/კ 202294980;

სახელმწიფო ხაზინა, ა/ა 200122900, კოდი: 220101222

დირექტორის მოვალეობის შემსრულებელი გიორგი შალუტაშვილი


(ხელმოწერა)





მიმწოდებელი:

შ.პ.ს. „არქიკულტურა“, მისამართი: ქ. თბილისი, დიდი დილომი, ი. პეტრიწის ქ. N1, ბინა N189, ს/კ 404874347, ს.ს. „ტერაბანკი“, ბანკის კოდი: TEBAE22, ა/ა GE17KS0000000360500321;

ტ: 555 14 46 64

დირექტორი გოჩა გუნიავა


(ხელმოწერა)



დანართი

ინფორმაცია შესრულებული სამუშაოების საგარანტიო ვადების თაობაზე,

1. სახურავი - 15 წელი (ასეთის არსებობის შემთხვევაში);
2. კარ-ფანჯრები - 10 წელი (ასეთის არსებობის შემთხვევაში);
3. გამაგრება-გამძლიერების სამუშაოები - 15 წელი (ასეთის არსებობის შემთხვევაში);
4. შენობის შიდა მოპირკეთება - 5 წელი (ასეთის არსებობის შემთხვევაში);
5. ფასადის და სარინელის სამუშაოები - 5 წელი (ასეთის არსებობის შემთხვევაში);
6. სამღებრო სამუშაოები - 3 წელი (ასეთის არსებობის შემთხვევაში);
7. სანტექნიკა და ელექტრობა - 5 წელი (ასეთის არსებობის შემთხვევაში);
8. გათბობის სისტემა - 5 წელი (ასეთის არსებობის შემთხვევაში);
9. საქვაბე მეურნეობის აგრეგატები - 5 წელი (ასეთის არსებობის შემთხვევაში);
10. იატაკი - 15 წელი (ასეთის არსებობის შემთხვევაში);
11. კონსტრუქციები - 70 წელი (ასეთის არსებობის შემთხვევაში);
12. წყალსადენისა და კანალიზაციის გარე ქსელი - 20 წელი (ასეთის არსებობის შემთხვევაში);
13. ღობე - 25 წელი (ასეთის არსებობის შემთხვევაში);
14. დროებით შენობა-ნაგებობები - 25 წელი (ასეთის არსებობის შემთხვევაში);
15. სხვა დანარჩენი - 1 წელი (ასეთის არსებობის შემთხვევაში);
16. ამწე მოწყობილობა - 2 წელი (ასეთის არსებობის შემთხვევაში);

საგარანტიო ვადის განმავლობაში შ.პ.ს. „არქიკულტურა“ ვალდებულია საკუთარ ხარჯებით უზრუნველყოს გამოვლენილი დეფექტის/ნაკლის აღმოფხვრა, შეკეთება ან შეცვლა.


მიმწოდებელი:

შ.პ.ს. „არქიკულტურა“, მისამართი: ქ. თბილისი, დიდი დილომი, ი. პეტრიწის ქ. N1, ბინა N 89,

ს/კ 404874347, ს.ს. „ტერაბანკი“, ბანკის კოდი: TEBAE22, ა/აGE17KS0000000360500321;

ტ: 555 14 46 64


დირექტორი გოჩა გუნიავა


(ბელმოწერა)

საგანმანათლებლო და სამეცნიერო ინფრასტრუქტურის განვითარების სააგენტო

1	2	3	4	5	6	7	8	9	10	11	12	დამატებითი შენიშვნები
		1.4. ჯამი									6307	
		$I=(1.1+1.2+1.3+1.4)$ თავების ჯამი									6516	
		შასაღების ტრანსპორტი	5.00%								325.82	
		ჯამი									6,842.18	
		გაუთვალავინებელი ხარჯები	5.00%								342.11	
		ჯამი									7,184.28	
		ჯამი										
		მ.ღ.გ	18.00%								1,293.17	
		ჯამი									8,477.46	

"შასარქიკულტურა"



[Handwritten signature]



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080170313021616

3601

16 / დეკემბერი / 2016
წ.

სსიპ „საგანმანათლებლო და სამეცნიერო ინფრასტრუქტურის განვითარების
სააგენტოსათვის“ სახელმწიფო შესყიდვის გამარტივებული შესყიდვით
განხორციელების შესახებ თანხმობის გაცემის თაობაზე

აღწერილობითი ნაწილი

1. ინფორმაცია მომართვის თაობაზე

სახელმწიფო შესყიდვების სააგენტოში 2016 წლის 14 დეკემბერს სახელმწიფო შესყიდვების ერთიან ელექტრონული სისტემის SMP მოდულის მეშვეობით წარმოდგენილ იქნა სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ SMP160003345 მომართვა გადაუდებელი აუცილებლობით საფუძვლით გამარტივებული შესყიდვის განხორციელებაზე თანხმობის გაცემის შესახებ.

2. შესყიდვის ობიექტი

მომართვის მიხედვით, შემსყიდველი ორგანიზაცია გეგმავს, აბაშის მუნიციპალიტეტის სოფელ ზანათის საჯარო სკოლის შენობის და ხობის მუნიციპალიტეტის სოფელ ახალსოფლის საჯარო სკოლის შენობის სახურავების შეკეთების სამუშაოების შესყიდვას (CPV- 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები).

3. შემსყიდველი ორგანიზაციის დასაბუთება

შემსყიდველი ორგანიზაციის განმარტებით, 2016 წლის 21 ნოემბერს, ძლიერი ქარის შედეგად დაზიანდა აბაშის მუნიციპალიტეტის სოფელ ზანათის საჯარო სკოლის შენობის და ხობის მუნიციპალიტეტის სოფელ ახალსოფლის საჯარო სკოლის შენობის სახურავები. კერძოდ, სოფელ ზანათის საჯარო სკოლაში ქარმა დააზიანა სპორტული დარბაზის შენობის სახურავის აღმოსავლეთ ნაწილი - დაახლოებით 40 კვადრატული მეტრი ფართობის თუნუქის სახურავი. ამავე ფართობზე დაძრულია ბეტონის ფილა, რომელზეც სახურავის კონსტრუქციის ნაწილია დამაგრებული. ასევე, ქარის შედეგად მორყეულია მთლიანად დარბაზის სახურავის ხის კონსტრუქციები და დაზიანებულია სკოლის ძირითადი სასწავლო კორპუსის სახურავზეც. ამავდროულად, სოფელ ახალსოფლის საჯარო სკოლის შენობის კორპუსებს შორის გადასასვლელზე ქარმა საყრდენებიანად მოწყვიტა სახურავი, რის გამოც შენობაში ჩაედინება ატმოსფერული ნალექები, რაც აზიანებს ორივე სართულის კედლებს და იატაკს. აღნიშნული გარემოებები საფრთხეს უქმნის, როგორც სასწავლო პროცესის უსაფრთხოდ წარმართვას, ასევე, სკოლებში განთავსებულ მატერიალურ-ტექნიკურ ფასეულობებს.

შემსყიდველი ორგანიზაციისგან განმარტებით, ძლიერი ქარის შედეგად გამოწვეული დაზიანებების შესახებ ინფორმაციის მიღებისთანავე სააგენტოს სამშენებლო-საპროექტო სამსახურის სპეციალისტები მივლინებულ იქნენ შესაბამის სკოლაში, რათა ადგილზე მომხდარიყო არსებული სიტუაციის შესწავლა და გადაუდებლად შესასრულებელი სამუშაოების მოცულობის დადგენა. ამასთან, ქ. ხობის საგანმანათლებლო რესურსცენტრმა დახმარებისათვის მიმართა მუნიციპალიტეტის გამგეობას, რომელმაც მწირი ადგილობრივი ბიუჯეტის გამო ვერ შეძლო პრობლემის მოგვარება. აქედან გამომდინარე, იმისათვის რომ დროულად მოხდეს სახურავების აღდგენა და სკოლებში სასწავლო პროცესის გამართულ მიმდინარეობას საფრთხე არ შეექმნას, აუცილებელია აღნიშნული შესყიდვის გამარტივებული შესყიდვის საშუალებით განხორციელება.

4. დაინტერესებული პირ(ებ)ის მოსაზრება

საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სამოტივაციო ნაწილი

5. შემაჯამებელი დასკვნა

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

6. სააგენტოს შეფასება

სააგენტო მიიჩნევს, რომ სახეზეა გადაუდებელი აუცილებლობით შესყიდვის განხორციელების საჭიროება იმდენად, რამდენადაც, შემსყიდველი ორგანიზაციის განმარტებით, 2016 წლის 21 ნოემბერს, ძლიერი ქარის შედეგად დაზიანდა აბაშის მუნიციპალიტეტის სოფელ ზანათის საჯარო სკოლის შენობის და ხობის მუნიციპალიტეტის სოფელ ახალსოფლის საჯარო სკოლის შენობის სახურავები. კერძოდ, სოფელ ზანათის საჯარო სკოლაში ქარმა დააზიანა სპორტული დარბაზის შენობის სახურავის აღმოსავლეთ ნაწილი - დაახლოებით 40 კვადრატული მეტრი ფართობის თუნუქის სახურავი. ამავე ფართობზე დამრულია ბეტონის ფილა, რომელზედაც სახურავის კონსტრუქციის ნაწილია დამაგრებული. ასევე, ქარის შედეგად მორყეულია მთლიანად დარბაზის სახურავის ხის კონსტრუქციები და დაზიანებულია სკოლის ძირითადი სასწავლო კორპუსის სახურავზეც. ამავდროულად, სოფელ ახალსოფლის საჯარო სკოლის შენობის კორპუსებს შორის გადასასვლელზე ქარმა საყრდენებიანად მოწყვიტა სახურავი, რის გამოც შენობაში ჩადინება ატმოსფერული ნალექები, რაც აზიანებს ორივე სართულის კედლებს და იატაკს. შესაბამისად, ვინაიდან, აღნიშნული გარემოებები საფრთხეს უქმნის როგორც სასწავლო პროცესის უსაფრთხოდ წარმართვას, ასევე, სკოლებში განთავსებულ მატერიალურ-ტექნიკურ ფასეულობებს, სააგენტო მიზანშეწონილად მიიჩნევს, მომართვაში აღწერილი შესყიდვა განხორციელდეს გადაუდებელი აუცილებლობის საფუძველით.

სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განხორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა, კონკურენტული და არადისკრიმინაციული გარემოს შექმნით.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მე-7 მუხლის პირველი და მე-9 პუნქტებით და დაადგინა:

1. დაკმაყოფილდეს სსიპ „საგანმანათლებლო და სამეცნიერო ინფრასტრუქტურის განვითარების სააგენტო“ SMP160003345 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.

2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი მე-12 №6), კანონმდებლობით დადგენილი წესით.

თავმჯდომარის მოვალეობის შემსრულებელი

A handwritten signature in black ink, consisting of stylized Georgian letters, enclosed within a hand-drawn oval shape.

ზაზა ნანობაშვილი





სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 0 16 01499669

15/12/2016

სსიპ საგანმანათლებლო და სამეცნიერო ინფრასტრუქტურის
განვითარების სააგენტოს
დირექტორის მოვალეობის შემსრულებელს
ბატონ თეიმურაზ მაჩაიძეს

ბატონო თეიმურაზ,

მოგახსენებთ, რომ 2016 წლის 13 დეკემბრის N 1487340 სამსახურებრივ ბარათთან დაკავშირებით ჩატარდა ფასთა კვლევა, ძლიერი ქარის შედეგად დაზიანებული აბაშის მუნიციპალიტეტის სოფელ ზანათისა და ხობის მუნიციპალიტეტის სოფელ ახალსოფლის საჯარო სკოლების სახურავების რეაბილიტაციასთან დაკავშირებით.

მოთხოვნა გადაეგზავნა შემდეგ კომპანიებს:

შპს :ნ.მ. 2007"

ჯემალ ირემაძე

შპს მეფური

შპს კა-ემ-სი

შპს ჰორიზონტი

შპს TU-KA

შპს ნიუ ბილდინგი

შპს კომპანიონი

შპს მალუ 22

შპს ქართლი

შპს არადელი

შპს მ.გ.მ.

გროსო

ამაგი

შპს ლიბო

შპს მარდი

შპს გურჯი

დიასი 2007

შპს სვირი +

შპს არქიტექტურა

კაბადოკია

შპს ალგო 2000

შპს იო-სეზა

სსიპ - საგანმანათლებლო და სამეცნიერო ინფრასტრუქტურის განვითარების სააგენტო
თბილისი 0160, მერაბ ალექსიძის ქ. №1, შენობა-ნაგებობა №1, სართული 2
ცხელი ხაზი, ტელ/ Tel.:(+995)220 0 220 2023;

www.esida.ge E-mail: info@esida.ge

შპს დავითი
შპს „ტრანსმშენი“

დადგენილ ვადაში შემოთავაზება წარმოადგინა შპს „სვირი +“-მა, შპს „არქიკულტურა“-მ, შპს „ქართლ“-მა და შპს „მგმ“-მა.
შპს „სვირი +“-მა და შპს „არქიკულტურა“-მ ორივე სკოლის, ხოლო დარჩენილმა ორმა კომპანიამ მხოლოდ ზანათის საჯარო სკოლის სახურავის სარემონტო სამუშაოების ხარჯთაღრიცხვა წარმოადგინა ელექტრონულად.
ჩამოთვლილი კომპანიები აღნიშნულ სამუშაოებს შეასრულებენ ქვემოთ მითითებულ ღირებულებაში:

კომპანიის დასახელება	სკოლა	ღირებულება
შპს "სვირი + "	ახალსოფლის საჯარო სკოლა	9,001.59
შპს "სვირი + "	ზანათის საჯარო სკოლა	72,755.65
შპს "არქიკულტურა"	ახალსოფლის საჯარო სკოლა	8,477.46
შპს "არქიკულტურა"	ზანათის საჯარო სკოლა	76,945.81
შპს "ქართლი"	ზანათის საჯარო სკოლა	69,433.17
შპს "მგმ"	ზანათის საჯარო სკოლა	61,550.00

აღნიშნული კვლევიდან გამომდინარე ახალსოფლის სკოლის სახურავის სარეაბილიტაციო სამუშაოებს ყველაზე დაბალ ღირებულებაში შეასრულებს შპს „არქიკულტურა“ - 8,477.46 ლარად, ხოლო ზანათის სკოლისას - შპს „მგმ“ - 61,550.00 ლარად.

გაგზავნილი კორესპონდენცია და მიღებული ხარჯთაღრიცხვა იხილეთ დანართის სახით.
დანართი: 8 (რვა) ფაილი.

გთხოვთ, თქვენს გადაწყვეტილებას.

პატივისცემით,

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო /
ფინანსური რესურსების მართვისა და დაგეგმვის
სამსახური
სპეციალისტი
თათა კვანტალიანი



MES 0 16 01491072

14/12/2016

საგანმანათლებლო და სამეცნიერო ინფრასტრუქტურის
განვითარების სააგენტოს დირექტორის მოვალეობის შემსრულებელს
ბატონ გიორგი შალუტაშვილს

სამსახურებრივი ბარათი

ბატონო გიორგი,

მიმდინარე წლის 13 დეკემბრის N1487340 სამსახურებრივ ბარათზე დამატებით წარმოგიდგენთ ხობის მუნიციპალიტეტის სოფელ ახალსოფლის და აბაშის მუნიციპალიტეტის სოფელ ზანათის საჯარო სკოლების დაზიანებული სახურავების ფოტოებს და ხობის მუნიციპალიტეტის გამგეობის წერილს სარეაბილიტაციო სამუშაოების განხორციელებაზე უარის თაობაზე. ასევე, მოგახსენებთ, რომ სასწავლო პროცესის შუფერხებლად წარმართვის, სკოლების შენობების კიდევ უფრო მეტად დაზიანების თავიდან აცილების, ასევე, კონტიგენტის უსაფრთხოების დაცვის მიზნით, სარეაბილიტაციო სამუშაოების ოპტიმალურ დროში შესასრულებლად, მიზანშეწონილად მიგვაჩნია სარეაბილიტაციო სამუშაოები ზემოაღნიშნულ საჯარო სკოლებში განხორციელდეს გადაუდებლად. გთხოვთ, დაავალოთ შესაბამის სამსახურს სათანადო ღონისძიებების გატარება.

პატივისცემით,

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო /
სამშენებლო-საპროექტო სამსახური
სამსახურის უფროსი
მერაბ ჭონიაშვილი



სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 3 16 01487340

13/12/2016

საგანმანათლებლო და სამეცნიერო ინფრასტრუქტურის
განვითარების სააგენტოს დირექტორის მოვალეობის შემსრულებელს
ბატონ გიორგი შალუტაშვილს

სამსახურებრივი ბარათი

ბატონო გიორგი,

მოგახსენებთ, რომ მიმდინარე წლის 21 ნოემბერს ძლიერი ქარის შედეგად დაზიანდა აბაშის მუნიციპალიტეტის სოფელ ზანათის და ხობის მუნიციპალიტეტის სოფელ ახალსოფლის საჯარო სკოლების შენობების სახურავები. სააგენტოს თანამშრომლების მიერ ადგილზე შესწავლილ იქნა არსებული მდგომარეობა, შესრულდა აზომვითი სამუშაოები, მომზადდა დედფექტური აქტები და შესაბამისი სახარჯთაღრიცხვო დოკუმენტაცია.

შესასრულებელი სამუშაოების ღირებულებაა:

1. აბაშის მუნიციპალიტეტის სოფელ ზანათის საჯარო სკოლა - 77 582.64 ლარი (შესრულების ვადა 50 კალენდარული დღე)
2. ხობის მუნიციპალიტეტის სოფელ ახალსოფლის საჯარო სკოლა - 9 059.59 ლარი (შესრულების ვადა 20 კალენდარული დღე)

გთხოვთ, დაავალოთ შესაბამის სამსახურს სათანადო ღონისძიებების გატარება.

პატივისცემით,

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო /
სამშენებლო-საპროექტო სამსახური
სამსახურის უფროსი
მერაბ ჭონიაშვილი

სსიპ - საგანმანათლებლო და სამეცნიერო ინფრასტრუქტურის განვითარების სააგენტო
თბილისი 0160, მერაბ ალექსიძის ქ. №1, შენობა-ნაგებობა №1, სართული 2
ცხელი ხაზი, ტელ/ Tel.:(+995)220 0 220 2023;

www.esida.ge E-mail: info@esida.ge